

استدینا

نومبر ۱۲

بجانب

۲۷ تشرین ثانی ۱۳۲۴

حکومت بالوکاله و مبعوثان

ازمنه حاضرده هر ملت متمدنه ، انتخاب ایلدیکي مبعوثانندن متشکل هیئت استشاریه و تشریعیه واسطه سیله حاکمیتی استعمال ایتکده در . ایشه بو اصول حکومت (حکومت بالوکاله) اطلاق اولور . مبعوثان ، قانون اساسینک دائرة احکامی داخلند ، ملئک وکالت مطلقه ایله وکیللری در . بوصفله مبعوثان ، قانون اساسی ایله معین صلاحیتلری داره منده ، ملت نامنه غایت سربست ، غایت مختارانه اوله رق ایضاح مرام و اعطای قرار ایدر لر . ذیلله یلیرکه مبعوثانک سوزی عموم ملئک سوزی و اولنلک مرامی عموم ملئک مرامیدر . مبعوث ، حکمدار حقیقی اولان ملئک وکیل مرخصی حکمنده در . اگر بویله اولمایوبده مبعوثک کافه افعالی بعض قواعد قانونیه ویا تعلیمات اضطراریه ایله معین ویاخود هر هانکی بر قرار انخادی حکمدارک یعنی ملئک انضمام رأین وایسته اولمش اولسه او مبعوث آراق بر وکیل مطلق دکل علی العاده بر مأمور اولوردی . مبعوثی علی العاده مأمور دن تقریبی ایتدیرن شی ، قانوناً معین احوالده مبعوثک ملت نامنه سرد مرام و اعطای قراره صلاحیتدار اولمسی در ؛ حال بوکه مأمورک صلاحیتی ملت نامنه معین برقراری تطبیق ایتکدن عبارتدر . حاصلی وکالت مطلقه ، وکیلک تمامیه اصیلک کافه صلاحیتلرینه صاحب اولمسی ؛ اصیلک ، وکیلند بر اعتماد تام محافظه ایتمسی ؛ مرامی مرامنه مزوج بولنه نی استلزام ایدر .

ایشته بو کون همان هر طرفده مبعوثک صلاحیتلری بو درجه واسعدر . هیئت مبعوثان دیک ، عموم ملت ، حکمدار دیمکدر . حال بوکه ازمنه قدیمده یونانستان وروماده متشکل دول وجاهیر صغیره ده اصول حکومت ، شیمدیکي کی (بالوکاله) دکل ایدی . او زمان (حکومت بالاصاله) حکم سوربوردی . افراد خلق واسع بر میدانده ، یوکسک بر کرسی خطابت اطرافنده عموماً طوپلانیرلر ، حیات عمومیه به متعلق کافه اموری مذاکره و مشاوره عمومیه ایله قرارلاشدیر برلر ، محتاج اولدقلری بسیط و محدود قانونلری تنظیم ایدرلری . کافه افرادک تربیه

و معلوماتی همان مساوی و نفوسی محدود اولان کوچک حکومتلرده بو اصول موافق اولدینی حالده یکریمی اوتوز میلیونلق ملترلرده بویله بر اصولک تطبیقی محال درجه سنده غایت مشکل اولدقدن بشقه تطبیقندن دخی علی الاکثر نتائج حسنه استحصالی متصور دکلدر. (حکومت بالاصاله) اصولی مختلف درجه لرده الحاله هذه اسویچره نك قانتون - ناحیه - لرنده مرعی و مستعمل بولمقدده در.

حکومت بالاصاله یقین زمانلره قدر (دهموقراسی) - حکومت عوام - ایله اداره سی مطلوب اولان مملکتلرده یکنه اصول اولقی اوزره تلقی ایدیلرک بو اصولی قاعده و اساس اتخاذایله نیجه تأسیسات سیاسییه تشبث اولمشدر. ژان ژاق روسو، صراحةً حکومت بالاصاله طرفداریدر، صراحةً حکومت بالوکالیه رد ایدبور. مع مافیله نه روسو، نه ده اونک پیرولی دول جسیمه ده هیئت استشاریه لک لزوم سزلفنی ادعا ایتمه مشدر؛ بالعکس عموم حکمای متأخرین هیئت استشاریه لک فوائد و محسناتی تقدیر و تمهید ایتمکدن کری طور مادیلر؛ لکن روسو و پیرولرینه نظراً اشاره و مذاکره مجلسلرینک وظیفه سی قانونری لایحه حالده تنظیم ایتمکدن عبارت قلیور؛ او لایحه لر ایسه آنجق اصالةً ملنک تصدیقی ایله شکل قطعی قانونی احرار ایده بیلیردی.

باقکزر روسو ناصل توضیح فکر ایدبور: «حاکمیت، قابل فراغ و تبرع اولمادینی کی قابل توکیل و احالده دکلدر. حاکمیت، مرام عمومیدن عبارتدر، مرام عمومی به ایسه وکالت غیر ممکندر: مرام عمومی یا عینی و یا غیریدر بوایکی خالک اورنای یوقدر. او حالده مبعوثلر ملنک وکیل مرخصلری دکلدرلر و اوله مازلر؛ اونلر آنجق ملنک قومیسری، مأموریدرلر. مبعوثلر اصلاً برقرار قطعی اتخاذینه صلاحیتدار اوله مازلر. بالذات ملنک تصدیقه اقتران ایتمین هر قانون مفسوخ صایلیر؛ قانون اوله ماز. انکلیر ملتی حر بولندیغه قاعده ر، فقط بونده چوق یا کیلیور؛ آنجق پارلامنتو اعضایی انتخابنک دوام ایستدیکی مدتجه حر در: بو اعضا انتخاب ایدیلر ایدلر انکلیر ملتی اسیردن باشقه برشی دکلدر. - وکالت فکری پکیکیدر، بزه دره بکلک اداره سندن، نوع بشر اچون

بر شین و عار اولان او انصافسز و معنایز اصول اداره دن انتقال ایتشدر .
اسکی جمهوریتسز و حق مونارشیلرده - بادشاهلقلرده - خلفک و کیلیری
اولمازدی؛ بولکه او زمان تمامیه مجهول ایدی .

حاصلی روسو، معاهده اجتماعیه بشر نام کتاب مشهورنده، متعدد مجتلرده
حاکمیت ملت، مرام عمومینک استعمالندن عبارت کوسترلمش و بوجیدینه مرامک
هیچ بر صورتله فراغ ویا احواله سی قابل اوله مایه جفی قویاً ادعا ایتشدر .

ازمنه قدیمده (حکومت بالوکاله) اصولک معلوم اولمانسی و روسو و پیروانی
طرفندن مشروعیتی طائفاشم اوله سی . حکومت بالاصالهدن ده زباده فواید
و محسناتی اولدینی ثابت اولان بواسول حکومتک قبول ایدلمه سی استلزام ایدمه من .
حکومت بالوکاله اصولک حکومت بالاصالهدن ده زباده محسناتی حاز اولدینی
أک اول مونسکیو طرفندن اثبات اولمشدر . و افعا مونسکیو دخی بعض نقاطده
ملک بالذات مداخله سی طرفداری اولمه له برابر کرک بالاصاله وضع قوانین
و کرک قوه اجراییه یی اداره خصوصلرنده بالذات ملک و قوف و صلاحیتی
رد و انکار ایدردی : « ملت ، حاکمیتک بعض اقسامی احواله ایدمه جکی ذواتی
انتخابه غایت مقتدردر ، دیوردی . محاربه لرده کیمک مظفریاته نازل اولدیغی
یک اعلا بیلیر او حالده بر جنرال انتخابنده آلدایه بیلیر . کذا محاکمده
هانسی حکامک التزام عدالت ایتدیکی وارثا ایلهمدیکی ملت طرفندن مجهول
اولمادیغندن حکامک انتخابنده دخی ملت غفلته دوشمه یه بیلیر . لکن ملت بر محاربه یی
اداره ایدمه بیلیرمی ؟ اقتضا ایدن نقطه لری . . آنلری - فرصتلی تفریق و تعیین
واونلردن تأمین استفاده ایدمه بیلیرمی ؟ - خیار ، ایدمه من . « قوه اجراییه ایچون
بویله سوبله دیکی کبی قوه تشریعیه ایچونده شو صورتله افاده مرام ایدبور :
« سرست بر دولنده ، هرکس حر بر روحه مالک فرض اولندیغندن هرکسک
اداره سی کندیسنه محول اولمق و قوه تشریعیه نك دخی ملک هیئت عمومیه سته
خاند بولمق ایجاب ایدردی . لکن قوه تشریعیه عموم ملت طرفندن تصرف
ایدلمه سی بویوک دولرده محال و کوچوکلرده محاذیر کثیره یی شامل بولندیغندن

ملتك بالذات يابه ماديني امورى و كيللرينه يابدير مى مناسب اولور. و كيللر اصولك
الك بويوك فائدهسى مبعوثلرك امور مخلفه ينى مذاكره و مناقشه ايتمكدهكى اقتدارلر ييدر.
حال بوكه بالذات ملت بو مذاكرات و مناقشاته قطعياً صالح دكلدر .

(دولوم) ، دها بويوك بر صراحتله مونتهسكيونك تيزنى مدافعه ايدير
قوانيك طوغرودن طوغرويه ملت طرفدن تصويب ايدلمش اولمه سندن
هيچ بر نتيجه جديه و مفيدهك ظهور ايتمه جكنى اثبات ايدور: « جمعيتي تشكيل
ايدن افرادك اكثريت عظيمه سى كرك غوائل حياتيه دن و كرك نقصان تحصيل
و تربيه دن مناقشه و وضع قوانين ايچون مقتضى معلومات و زمانه مالك دكلدرلر .
ذاتاً طبيعت، وضع قوانين كهي بجه حسابات و معلومات معقده و مغلقه ينى مستلزم
امور جسيه ايچون احتياج مس ايدن ذكايي بك آز انسانلره بخش ايتمشدر .
خسته طبيه، دعواسى اولان آووقانه مراجعت ايتديكي كهي خلقك اكثريت دخی،
بالذات ايفاسنه حق و صلاحيت اولمقله برابر وقوف و اقتداري كفايت ايتمين
امورك تدبير و تسويه ينى اهل و اربابنه توديع ايتسي فائدهلى و لازمدر . ديكر
بر سبب دها واردركه هيسندن دها جلي و دها قاطعدر، شوكه خلق بر هيئت
جامعه اولديغندن دوشونجهيه مستند برقرار اخذ ايده مز. خلقك بك آز افرادي
هيئت عموميه نك تحت مشاوره سنه قونولان موضوع حق سنده دوشونمشدر ،
بك آز كيمسه بوكا دائر بر فكر مخصوصه مالكدر. حال بوكه مطلقاً احتمالندن
بريني التزام ايتك لازم كلكيكندن ، دها آز جدی احوال سارنده باعث عار
و حجاب صابيله حق بر طاقم معناسر اسبابدن ناشي هرهانكي برقراري اخذ ايدرلر .
ناكهماني بر حادثه، بر تبدل، بر حركت، بر ولوله، عمومك مستغرق اولديني
تردد ايچنده ، قسم اعظمك بر طرفه ميل ايتسي موجب اوله بيلير و بو صورته
ماهيت مسئله به غير واقفانه تحصيل ايدن بو خصوصى قرارلرك امتزاجندن
ينه دوشونجهيه و فطانت غير مستد بر قرار حصوله كلير. بو قدر محاذيره رغماً
شايد مجلس ملي يى تشكيل ايدن افرادك كافه سى عيني منافع مشتركيني كوزه تير
وعيني سويه ذكايه ينى حاز اولسه ايدى ، هرهانكي بر حكومه اوت و يا خاير

حاکم شدن برینی اختیار اضطراری موجود اولدیفندن و بویکی حال ایچون مساوی
براحتمال فرض اولسه هرایی حکمه برای احتمال اصاب تصور اولنه بیلیردی.
لکن حاکمیتی الارنده بولسیدر انلر اوله بر هیئت وجوده کتیر برلرکه منفعلتری
تمامیه عموم ملتک منافعه ضد و مغایر بولسور؛ ایسته بولردرکه مجلس ملی به
لایحهلر تکلیف ایدرلر، همده، بردن پک جوق لایحهلر تکلیف ایدرلر، منافع
خصوصیه لرینه موافق اولان جهتلری صافلامسینی و یاخود عمومک قبول و رغبتی
جلب ایتمهک مستعد دیکر خصوصات آره سنه قاریشدیره رق کوسترمه مسنی حاصلی
ملتی شاشیرتمه سنی و آلداتمه سنی پک اینی بیلیرلر.

عاقبت، (سینیوبوس) دخی بواشانی تکرار ایضاح ایتمشدر: «اوروپا نلک، مل حاضره سی،
اقوام قدیمه به پک آز بکزرلر. بو کونکی اوروپا دولنلرینک یکنه آرزوسی
ثروتدر. بر آرزوی عمومی بوتون مملکتلری بویوک بر فابریقه حاله قویور:
هر طرفده آنجق تجارت، زراعت و صناعت موضوع بحث اولمقده در. هر طرفده
سعادتدن زیاده استحصال و استهلاک دوشونلور. بو سبیدن بو کونکی اصول
سیاسیه لرک کافه سی منحصر آیش اوزرینه مؤسسرلر. بنابرین انسانلرک
اکثریسی بر ایش ماکنه سی کبی تلقی ایتمهکده اضطرار واردر. بونکله برابر
مجبوری بر ایشک تمامیه ضبط ایتدیکی بو تحصیل و تربیه کورمه مش جماعت
جسمیه افرادندن وطنداشلق نامنی و حقوق سیاسیه بی سلب ایتک جائز اوله ماز.
هرکس کبی قانونه اطاعت مجبوریتنده اوله جقلر ایچون هرکس کبی قانونک حصوله
اشتراکلی اقتضا ایدر. هرکس ایچون مساوی اولق لازم کلن بو اشتراک
ایکی صورتله قابل تحصیلدر. برنجی صورت، وطنداشلق وضع قوانین خصوصنده
اعتمادلرینی، آرا لردن انتخاب ایده جکلری محدود مقدارده افراده تودیع ایتک،
یعنی کندیلرندن ده ازیاده منافع عمومیه بی طایر بر طاقم ذواتی کندی مراملرینه
ترجمان اولق اوزره وکیل تعیین ایله مکدر. ایکنجی صورت ایسه بالذات قوانینک
حصوله اشتراک ایتکدر. بو بالذات اشتراک حقیقی حکومت عوامک اساسیدر؛
بالواسطه اشتراک ایسه حکومت بالوکاله نی تأسیس ایدر. بو ایکی اصول آرا سنده کی

فرق غایت عظیمدر ، لیکن بونلردن هانکیسنک اختیاری اقتضا ایله دیکنده آرتق
 ترده قطعاً محل یوقدر. اول امرده ، وطنداشلمزك اکثریت عظیمه سی نه دولتی
 اداره ایده جك اولان قوانینك مذاکره و مناقشه سیله اشتغال ایچون اقتضا ایدن
 تحصیل و معلوماته نده بوش وقته مالک دکدرلر ؛ بونک ایچون هرکس وکیللر
 تعینی فکری ترجیح ایدور ؛ و مادامکه بو فکر اکثریتک فکریدر ، هر مملکتده
 اکثریتک فکری قانون قوت و صفتی حاز اولمق ایجاب ایله دیکندن ، قوانینک
 مذاکره سیله اشتغاله ائدار و معلوماتلری اولانلر دخی مبعوثلر تعینی وکریسه
 مطاوعت کوسرملری مجبوریدر. بو اصول ، اک کوچک ناحیهلر ایچون موافق
 اولدینی کبی یکریمی اوتوز میلیون نفوسی جامع ملتلر ایچونده غیر قابل اجتنابدر .
 ایشته کوریلورکه حکومت بالوکاله ، بویوک کوچوک عموم مملکتلرده تابعی
 ممکن و مقید اولان یکانه اصولدر . حکومت بالاصاله نك اساساً و شکلاً نقیصه دار
 و غیر موافق اولدینی خلاصه صورتیهلر بردها ایضاح ایدم ؛ افراد خلق کنندی
 خصوصی مرام و فکرلریسه موافق وکیللر انتخابنه مقتدر اولدینی حالده بالذات
 اجتماع ایده رک قوانین تنظیمنه و لایحهلر تصویبنه کرک تحصیل و معلوماتلری
 و کرک بوش و قتلری غیر کافیدر . کویلورک و طاعیلرک یدش تصویبنه وضع
 اولنان بر تجارت و یا بحریه نظامنامه سی فرض اولنسون ؛ او حالده اکثریت
 یا کوزلری قبالی اولدینی حالده هیچ آکلاما یینی و مضر اولمه سی محتل اولان
 بر قانونی تصویب ایده جك یا خود اساساً فائده لی بر قانونی درجه نالیده قالان
 بر حکم ایچون رد ایده جك .

حکومت بالاصاله اصولی مذاکرات و مناقشات دخی مساعد اولماد یغندن
 شکلاً نقیصه داردر . ازمنه قدیمه نك جاهیر و دول صغیره سند بون مذاکرات
 و مناقشات قابل اولدینی حالده بو کون بر قاج میلیون نفوسی جاع بر ملتک
 بویوک بر میدانده اجتماعی ممکن دکدر . جمعیات حضرده مطبوعات واقعا قوتلی
 بر واسطه نشریات ایشه مطبوعات و باخصوص عمله و عوام صنوفه مخصوص
 جریدهلر واسطه سیله هیچ بر جدی و فائده لی مذاکره و مناقشه حصوله کله مز .

بنابرین بالجبوری، بویله بر اصول معتبر طویله جق اولسه، ملتک تصویبیه تکمیل بر قانون ویا مجموعه قوانین عرض اولسه بقدر . چونکه عملی اوله رق هر قانونی ماده ماده ملتک تصویبیدن کچیر مک محاردر . او حالده هر کس رأینده مختار و سربست اولماز چونکه یا اساساً فائده لی بر قانونی، محتوی اولدینی احکامدن برینک، ضرر کورونمسی سببیه رد ایتک ویا خود او، ضرر حکم ایله برابر قانونی قبول ایتک مجبوری واوردر.

آرتق اساساً عموم ملتک مرام واعتمادینه مسبد و انتخابت ایله تأسس ایدن وجهات مختلفه ایله حکومت بالاصاله یه مرجع بولسان حکومت بالوکاله نك فوائد و محسناتی حقنده کیمسه نك تردد و شبهه سی قله ماز .

جواد

معاهداتمز

۱۰

فرانسه قایتولا سیونلری

۶

۵ - آلیوم مرعی اولمیان احکام

« دولت علیه نك معتاد اوزره اسکله لرینه فرانچه سفائی یناشد قلدننده دوستلق معامله سی اولنوب یالکز کراف نفس ایچون ما کولات و مشروباتلرینی آچقه لر یله آلوب بومقوله اولان ما کولات وطبخ ذخائرینک بیع وشراسنه و تحمیل اولنمسه ممانعت اولنیوب بوبابده رسم و ویرکو دخی طلب اولنیه (ماده ۷۳) . »

سیر سفائن و بیع و شرائک سربسته سی قاعده سی وضع ایدن معاهده تجاریه ایله مفسوخدر .

« دولت علیه مک بالجه اسکله ولیمان وسواخلنده فرانچه سفائی قبولدانلری وریسلری اقتضا حسیده سفینه لرینی باغلق و قلفات و تعمیر ایتک لازم کلدکده